



異林卷之十

南州朱謀璋鬱儀纂

珍性

常山張顥為梁州牧有鳥如山鵲飛翔入市忽然墜地人爭取之化為圓石椎破得一金印文曰忠孝侯印顥以上_印藏之秘府 京兆長安有張氏獨處一室有鳩自外飛入其懷探之失鳩而得一金鈎遂寶之自是子孫漸富資財萬倍搜神記 江嚴於富春縣清泉山遙見一紫衣美女就之數十步遂隱石下如此數四乃得一紫玉廣一尺又邠浪于九田山見鳥狀

如鷄色赤鳴如吹笙射之卽入穴遂鑿石得一赤玉

如鳥形列異傳荆州刺史沈攸之愛妾馮月華臂上一

玉馬以綠絲繩穿之夜輒脫置枕邊有時失去曉則

復還蹠下每有泥宣室志唐太宗於晉陽宮得一玉龍

子廣不數寸而溫潤精巧非人間所有藏之內府玄

宗時每京師憊雨必虔誠祈禱將有霖注逼而視之

若奮鱗鼠開元中三輔大旱玄宗復禱涉旬無雨乃

密投南內龍池俄而雲物暴起風雨隨作明皇雜錄唐肅

宗賜李輔國香玉辟邪二各高一尺五寸其玉之香

可聞數百步雖鑱之金函石櫃中不能掩其氣杜陽編

德宗常幸興慶宮於複壁間得寶匣中獲玉鞭文曰

軟玉鞭屈之則首尾相就舒之則徑直如繩難以斧

鑿鍛研終不傷缺杜陽編執金吾陸大鈞從子之妻常

夜寢中聞啾啾闐聲於枕邊攬得二物燭之皆白玉

豬子也其六數寸狀甚精妙自此財貨日增有求必

遂名位遷騰如此二十年一夕失之紀異聞

則天時西國獻毗婁博義天王下頷骨及辟支佛舌

并青泥珠一枚頷骨大如胡牀舌青色大如牛舌珠

顛拇指微青后以珠施西明寺僧布金剛額中有胡

人見珠以十萬貫買之后聞之追取問貴價市此何

用胡言西國有青泥泊多珠珍寶但苦泥深不可得
若以此珠投泊中泥悉成水而寶可得矣又扶風逆
旅有一方石在門外一波斯胡人見之盤桓數日以
錢二千求買之剖得徑寸珠一枚破臂腋藏其內沉
海行十餘日船忽欲沒舟人知是海神求寶欲取胡
人投海胡惧而出珠海神便出一手捧珠而去又咸
陽岳寺後有周武帝冠其上綴珠大如瑞梅歷代不
以爲寶天祐時有士人戲取去以示賈胡求價千緡
群胡大笑云何辱此珠乃與錢五萬緡又邀士人同
往東海上以銀鑄煎醍醐又以金瓶盛珠於醍醐中

重煎七日有二老人暨徒衆數百齋持寶物來至胡
所求贖此珠故執不與後數日復持諸寶山積又不
與至三十日有二龍女投入珠瓶中珠女合而成膏
士人問故荅曰此珠是大寶合有二龍女衛護群龍
惜女故以諸寶來贖我欲求度世寧顧世間之富邪
因以膏塗足步行水上捨舟而去廣異記大食國有一
水珠狀如片石色赤夜有微光光高數寸每軍行休
時掘地二尺埋珠其中水泉立出可給數千人紀聞
開元中罽賓國貢一上清珠光明潔白可照一室視
之則仙人玉女雲鶴絳節之形搖動於其中四方忽

有水旱兵革之災虔懇祝之無不應驗

西陽雜俎

晉東海蔣潛嘗至不其縣見林下踣一屍已朽爛烏來食之輒見一小兒長三尺許來驅烏如此非一潛乃就看死人頭上著通天犀導遂拔取之既而衆烏爭集無復驅者續齊諧記杜陵韋弁開元中舉進士寓遊於蜀宴鄭氏亭遇仙姬十數自稱玉清之女贈以三寶曰碧瑤盃曰紅蕤枕曰紫玉函後至廣陵市有胡人見而拜曰此天下之奇寶也雖千萬年人無得者遂以數千萬爲直而易之宣室志乾元中江淮間一波斯胡人腋下有小瓶大如合拳云瓶中是紫荊羯人

得之者爲鬼神所護入火不燒涉水不溺

廣異記

唐安史定後魏生者避亂嶺南還經虔州因暴雨後登岸肆目忽於砂磧間見一地氣直上衝數十丈從而尋之見石間石片如手掌大狀如甕片半青半赤取致書篋以示胡賈胡言此寶母也每月望國王自出海岸設壇致祭之以此置壇上一夕明珠寶貝皆自聚原化記開元中鞏縣孝義橋有尼名真如其行高潔肅宗元年十一月中忽爲天帝所召謂之曰下界喪亂時久殺戮過多腥穢之氣達於諸天今以神寶壓之授以小囊有寶五段一曰玄黃天符形如笏長

可八寸餘濶三寸上圓下方近圓有孔黃玉也能辟
人間兵疫邪癘二曰玉鷄毛文悉備白玉也王者以
孝理天下則見三曰穀璧白玉也徑五六寸其文粟
粒自生王者得之則五穀豐稔四曰王母玉環二枚
亦白玉也徑六寸好倍於肉王者得之能令外國歸
服又出八寶一如意寶珠圓大如雞卵置之堂中明
如滿月二曰紅靺鞨大如巨栗赤爛如朱櫻視之可
應手而碎觸之則堅不可破三曰琅玕珠其形如環
四分缺一徑可五六寸四曰玉印大如半手其文如
鹿陷之印中著物則形見五曰皇后採桑鈎二枚長

五六寸其細如筋屈其末似是金銀又顛熟銅六曰

雷公石二枚斧形長可四寸濶寸許膩如青玉而無

孔八寶置之日中則白氣連天措之陰室則燭耀如

月翌日真如詣縣以狀聞州杜陽編寶曆元年南昌國

獻玳瑁盆浮光裘夜明犀盆可容十斛裘以五絲絲

蹙成龍鳳各一千三百仍以九色真珠綴之犀顛通

天犀夜則光照百步杜陽編海外一國貢重明枕長一

尺二寸高六寸潔白顛水精中有樓臺之形四面有

十道士持香執簡循環無已廣德神異錄

會昌元年扶余國貢三寶一曰火玉色赤長半寸上

銳下圓光照數十步可以燃鼎二曰澄明酒色紫如膏飲之令人骨香三曰風松石方一丈瑩澈如玉其中

有樹形若古松盛夏置之殿內颯颯如有涼飈生其間宣室志長慶中進士張無頗遊番禺遇一善易者曰袁大孃授以玉龍膏一合子云可起死還魂仍予一暖金合盛之云寒時出此合則一室暄熱久之南海廣利王召無頗治其女病飲以玉龍膏女病立愈遂抽翠玉雙鸞篋貽之王出駭鷄犀翡翠盤麗玉明瑰以謝焉既歸番禺纔貨其犀已巨萬矣太平廣記

唐內庫有青酒盃紋如亂髮其薄如紙以酒注之溫

溫然有氣相次如沸湯名曰自煖盃

孔平仲談苑

宋政和間汝海諸郡縣山石變為瑪瑙動以千百伊

陽太和山崩出水晶幾萬斤

癸辛雜識

別怯赤山出石絨

織以為布火不能燃阿合馬請遣官採取即古所謂

火浣布也

元史

元時蠻人入海取珠得珠子樹數擔其

樹如柳枝珠生於蚌蚌生於樹樹生於石蠻人鑿石

得樹以采珠

熊太古冀越集

真玉至少雖金鐵不可近須沙

礮而後成然猶未也特珉之精者真玉須定州磁芒

所不能傷者乃真玉也

蘇子瞻外集

梁惠舉禪師隱會稽

山陰翳法華寺梁昭明太子遺以金縷木蘭架染紅

銀澡瓶紅瑠璃鉢

會稽志

齊惠卿家有軟玻璃盞通天

犀火浣布三物得之廣舶

但齊筆衡

火齊狀如雲母紫色

而有光照之如蟬翼積之則如紗縠或稱為紫辣

說

凡玉入火皆坼裂變色唯諸色鴉鶻石入火色愈精

明

葉文莊公集

鴉鶻者西域寶石也彼俗譌為亞姑

博物志補

宋禁中寶物皆藏宜聖庫中有翡翠盞一隻似玉而

碧以金磨之則其屑紛紛而落歐陽文忠家有碧玉

鑿一件即翡翠也

歸田錄

神龍所伏之窟多異珍寶石

鴉鶻之類饑則舐石絕不飲啗昔有海商遇風飄至

一島墜入龍窟極苦饑渴見龍時時舐壁間小石商

人試取小石含之頓不饑渴一日聞雷聲群龍相繼

騰升此人挽龍尾得出附舟還家携所含寶石貨之

致富

輟耕錄

丞相伯顏嘗至于闐國於其國中鑿井得

一玉佛高三四尺色如截肪照之皆見筋骨即貢上

方又有白玉一段高六尺濶五尺長十七步以重不

可致

輟耕錄

宋韓平原嫁女李太卿家奩具中有白玉

香獅子高二尺五寸精絕無比理宗時張循王獻白

玉簫管長二尺中空而瑩薄韓蘄王獻白玉笙一攢

其薄如鵝管其聲清越云在北方軍中日得之 錢

武肅王時有獻雲鶴水犀帶者命許彥方繫帶試水

水開七尺許

西湖遊覽志

西蕃紫絨謂之灑海刺以之作

履履霜應時霜解

琅嬛記

海中有珠名普集衆寶此珠若在一切衆寶常不散

失華嚴經

有寶珠名種種色在大海中雖有無量衆多

駛流入於大海以珠火力令水銷滅而不盈溢

大寶積經

真金得迦私藥著於火中轉增淨

菩薩地持經

以一兩阿

羅娑藥變千兩銅以爲真金藥分無減

華嚴經

寶渚之

所唯帝釋青寶及大青寶其價最大

十輪經

瞻部捺陀

金置凡金中令彼凡金猶如墨聚失於明照

大寶積經入

海採寶者言海外有醉果氣味絕香食之珍美一醉

七日始解其樹名爲樹寶搗而燒之以薰瓦石悉成

珍寶一枝之值可二萬金

譬喻經

梵天宮殿微妙可愛

皆七寶間成七寶謂金銀琉璃頗黎赤珠磔磔碼碯

也

起世經

鬱單越國常有自然釜鍤有摩尼珠名曰焰

光置於鍤下飯熟光滅不假樵火

長阿含經

明月摩尼珠

多在龍腦中有福衆生自然得之亦名如意珠常出

一切寶物飲食衣服隨意皆得得此珠者毒不能害

智度論

大海中有四寶珠一切衆寶皆從之生若無此

四珠一切寶物漸就滅盡諸小龍神不能得見唯娑

伽羅龍王密置深寶藏中一名衆寶積聚二名無盡

寶藏三名遠熾然四名一切莊嚴聚又大海中有四熾然光明大寶一名日藏光明大寶能變海水爲酪二名離潤光明大寶能變海酪爲蘇三名火珠光明大寶能燃海蘇究竟無餘四光明大寶能令海蘇末盡若大海中無此四寶四天下金剛圍山皆漂沒華嚴大林邑有商人驅八頭牛到北方澤中遇離車捕一龍女欲殺食之此商以八牛與賈此龍女放池中龍變爲人要商入龍宮云龍中有食能盡壽消者有二十年消者有七年消者贈商人八餅金云此龍金截已更生用之不可盡僧祇律如來甚深妙法其堅牢如

摩尼寶無人能破如天德瓶能與安樂如吉祥寶希有難得如如意寶能破貧窮如轉輪王所有輪寶能伏諸怨如摩尼珠隨心所求能雨衆寶如天妙寶最爲微妙如真金入火不變本生心地觀經

范文正公家有古鏡背具十二時如博碁子每至其時則碁子明朗如月循環不休又李雁山宋眉見一鑪幕上有十二孔應時出香太平清話滇南寶井中出一寶石中有玉蒼蠅二頭置之几上能辟蠅中官以三百金購得之工部郎董夏鎮河工濬河得魚腸劍一枚柔可繞腰如帶圍翁中丞得之陳眉公書蕉宋時有

人發太原高柴古墓中得古瑠玉盤螭一螭角上有

一小鼠或名太虛鼠又云虛木相符皆不可曉陳氏秘笈

新安有人得一石于水濱狀如鵝子青瑩可愛楊不

棄以千錢易之攜入京師一外國人數來看之曰此

名青鳳子即吾土價亦不貲聲價頓重兩殿供事者

以千金易去遂為禁中重寶胡應麟刺言

漢高祖戚姬有百鍊金彊環照見指骨 戾太子敗

宣帝方幼被收繫獄臂上帶史良娣寶鏡一枚大如

八銖錢身毒國物也能照見妖魅 文帝時南越王

佗獻珊瑚樹高一丈二尺一本三柯上有四百六十

二條置積草池中號烽火樹至夜光景欲燃 高祖

初入咸陽宮有青玉五枝燈高七尺五寸作蟠螭以

口銜燈燈然則鱗甲皆動又有玉管長二尺三寸二

十六孔吹之則見車馬山林隱鱗相次吹息亦滅有

方鏡廣四尺高五尺九寸表裏皆明人直來照之影

則倒見以手捫心而來則見腸胃五臟俱西京雜記

唐玄宗時交趾國進辟寒犀一株色黃如金冬至日

以金盤置殿中温温有暖氣 張說為宰相得一珠

緝色有光名記事珠或有遺忘手持弄之便覺開悟

龜茲國進一枕色如瑪瑙温如玉枕之而卧則十洲

異林 卷之十 十一

三島盡在夢中名為遊仙枕西涼國進炭百條各長尺餘青堅如鐵名曰瑞炭燒之無燄而有光經旬始燼號國夫人有夜明枕設之幃中光照一室開元天寶遺事

李濬所記物之異聞有雷公鎖辟塵犀簪煖金魚袋青龍皮鄱陽王墓中自動墨研日中軟杖子龍腦香

崑崙子元先生贈常丹尚書鮫綃鏤白玉香囊并玉鎖子長二尺餘異竹篋長二百餘尺黃楊枕文有仙人乘龍形桃源洞中仙人碁子不生盪鐵腰帶韋殼

尚書夢中所得軟羅纈巾西蜀織成蘭亭劇賓國黃

金衣筆管上鏤盧思道燕歌行白玉劍長二尺松窗雜錄

隋僕射蘇威有一鏡嘗日蝕既鏡亦昏黑無見他時

日食半鏡亦半昏半明後藏篋內有聲如磬而子夔

死再鳴而威以敗隋唐嘉話廣漢龍潭寺僧嘗釋螺蛤數

百于潭後數日潭畔獲一小盆非錫非銅持歸貯禹

餘糧數粒明日餘糧盈滿試貯菽麥白金少許無不

皆然及僧老且死以為神物還擲於潭化為金雁飛

去埤雅巴東下岩院僧水際得青磁盃以金錢米貝

貯其中物物盈盃神閣閒談

李後主有青石硯池中一黃石彈丸水常不耗後為

陶穀觸碎丸中有小魚躍地上而死分寧陳志甫莊

有方石三尺許田父以椎橐久之夜聞鷄鳴卽之則
沒陳子公兌剖石中有二雞一雌一雄文彩燦然又
穆陵宮中有靈鵠石石中有鵠每天將旦咸聞其噪
聲宋南度前得之晉州又廣漢雷公橋有巨杠石蹲
橋側一夕爲雷所剖石中分在地各有半瓠形又有
一貧士謁周益公公於齋中採兩函物贈之士旣別
發函一爲茗甌一爲湯盞怒而碎之其僮救得湯盞
歸以點茗纔注其中輒有雙鶴飛舞啜盡始沒埤雅
柳州支邑村落有小池達官故宅也池中嘗有雙鯽
出游而不可捕一日池涸民於泥中獲一銅盆鑄兩

魚形注水滿而魚卽撥刺上游又桂陽軍書吏温恭

於轉運主管所見一青石高六七寸廣半之注水滿

盆寘石其中俄有一小龜從石腹緩行而上趨視卽

隱伏不見又徐州護戎陳臯得瑪瑙硯盃以之貯水

注硯輒有一鯽長三寸游泳水中取魚寘他缶中魚

不復見夷堅志有農夫耕地得劔磨洗適市一賈胡許

錢百萬未決農語妻子此有何異而價至是庭中有

石以劔指之立碎明日胡來視劔嘆曰此破山劔唯

可一用吾欲持之破寶山耳今劔光已盡棄不復買

廣異記安南土產有玉龍膏南人用之能化銀液齋往

異林 卷之十 十三
北者必犯奇禍

補錄韓約傳

柴世宗時大食國貢玻璃母質若鐵滓小大不等猶

兒拳然諸璫以意煨作珂子狀青黃赤白隨其自成

不可得必

蔡條叢談

徐太尉彥若赴廣南將渡小海有軍

人於淺瀨中得一小琉璃瓶子大如嬰兒拳內有小

龜長寸許往來旋轉其夕舟忽偏重視之則衆龜層

疊就船而上舟人懼覆遂以瓶投海衆龜亦散後問

賈胡嘆曰此名龜寶苟或藏之何慮寶藏之不豐哉

方回虛谷開抄

晉東瀛公司馬騰鎮鄴時大雪當其門前數

十步獨融液不積騰令掘之得玉馬高尺許

異苑

三佛齊國南海水中有山五色聳峙其石有小穴每

船過其下水流如湧人或以刀斫擊之有石迸入船

中燒之有硫黃氣名摩娑石價五金伏三黃而制鉛

汞

寰宇記

道書言消石出鳥場國能消金石為水服之

盡得長生其石出處氣極穢惡飛鳥不能過其上人

或單服從之過則身中諸蟲悉化為水而得長生矣

形若鵝管者佳

姚寬西溪叢語

江南徐諤得畫牛一副畫則

在外齧草夜則歸卧欄中後主以獻太宗問其故無

知者唯僧贊寧對曰南倭海水或減灘積微露倭人

拾方諸腊中余淚數滴以之和色著物晝隱而夜顯

沃焦山時有風飄石落海岬滴之磨色著物晝顯而
夜晦事載張騫海外異經清波

宋呂文穆為相有朝士藏一古鑑能照二百里以獻
公不受孔平仲費縣三十里有費城湖湖內一古鏡

人取以照皆成異形或牛馬或羊鹿之類偶為採菱
者得之既見已形而厭惡之復投于水今尚在王元

話軒轅鏡形如毛毬懸之可以辟邪蓋山精木魅皆
能變形為人不能逃鏡中之形真形見則走矣考槃

猛火油出高麗東數千里日初出處烘石所融之液
也佗物遇之即為火唯真琉璃器可貯之昨夢

異林卷之十一

天變

周懿王元年正月天再旦于鄭竹書紀年魯莊公七年四

月辛卯夜恒星不見夜中星隕如雨傳曰恒星不見
夜明也左傳漢武帝建元二年有如日夜出漢書晉愍帝

建興二年正月辛未庚時日隕于地又有三日相承
出於西方而東行五年正月庚子三日並照虹蜺彌

天晉元帝太興元年十一月乙卯日夜出高三丈中
有赤青珥太興三年五日並見晉書通志梁元帝承聖元

年十一月丙子有兩日俱見梁書唐貞觀之初突厥中

五日竝照乾符六年十一月朔有兩日竝出而闕三

日乃不見唐書周顯德七年正月癸卯日既出其下復

有一日相掩黑光摩盪久之是日周恭帝遜位于宋

祖宋史李後主煜三年有二日相觸江南野史元至正戊戌

十月有兩日相擊黑光摩盪草木子唐堯時十日竝出

草木焦枯堯命羿仰射中其九鳥淮南子夏帝履八年

十日竝出其年帝陟竹書周昭王時九月竝出貫紫微

之府無何昭王濟江溺死出謝在杭五嶠細

漢惠帝二年天開東北廣十丈長二十餘丈漢書晉惠

帝元康二年二月天西南大裂大安二年八月庚午

天中裂為二有聲如雷者三穆帝升平五年八月巳

卯天中裂廣三四丈有聲如雷野雉皆鳴晉書梁武帝

太清二年六月天裂于西北長十丈廣二丈光出如

電有聲如雷其年十二月戊申天西北裂有光如火

隋書元至正巳丑十一月天裂天漢之傍至正巳亥

九月晦日西南方天裂紅光燭地移時始復至正巳

酉十二月朔天裂西南草木子本朝弘治戊申陝西人

咸見天門開人馬百萬自下而入王文祿海沂子正德十一

年七月初晨巴陵天裂東南長三丈余紅光刺人

世廟晏駕之年八月華容縣西天裂一日在中一日

在傍若相闕駱公磯下人見湖中兩日搖暎

湖廣通志

宋寧崇慶元二年十月二十夜三更後月出團圓如

望夕臨安嘉興兩邦人未寢者皆見之太史奏為上

瑞其冬不雪明春無雨

夷堅志

慶元三年月食者五一

在二月望一在七月望皆入食限十月二十日二十

一日連夜食十一月十八夜復食無術可求

容齋隨筆

至正七年正月既望月夜出無光

草木子

黃帝之世倉頡作書天雨粟鬼夜哭

淮南子

夏禹八年

六月雨金于夏邑者三日周成王三十四年雨金于

咸陽周顯王五年雨碧于郢六年雨黍于齊

竹書紀年

公十七年櫟陽雨金自四月至于八月

史記秦二

世元年宮中雨金俄化為石周時成陽雨錢終日而

絕漢惠帝二年宮中雨黃金黑錫呂后三年天雨粟

漢武帝時廣陽縣雨麥宣帝時江淮大饑天雨穀於

時秦魏間地亡穀二十頃王莽時未央宮中雨五銖

錢既至地悉為龜兒

述異記

光武建武三十一年陳留

雨穀形如稗實

漢書

漢末吳桓王時金陵雨穀于貧民

家魏世河內冬雨棗魏文帝時安陽殿前天降朱李

八啖一枚輒數日不饑

述異記

晉張駿九年天雨五穀

於武威燉煌植之悉生名曰天麥

異苑

隋仁壽二年宮

申再雨水銀花至四年陝州又雨水銀花通志唐武

氏垂拱三年廣州雨金四年三月雨桂子于台州旬

余乃止唐志宋仁宗天聖五年中秋餘杭靈隱寺雨桂

子僧式公種之得二十五株玉澗雜書慶曆元年二月丙

午京師雨藥神宗元豐二年六月忠州雨豆三年六

月巳未饒州長山雨木子數畝狀類山芋子味香而

辛哲宗元祐三年六月忠州臨江縣雨白黍又雨黑

黍徽宗大觀元年廬州雨大豆至道二年四月福州

福清雨黃黑豆長樂太平二鄉雨黑豆堅實異常高

宗紹興十六年正月瀘州雨豆二十六年七月辛酉

夏雨水銀宋史元至正庚寅冬衢饒處諸州雨黑黍

大如小麥破之有白粉草木子

漢成帝時宮中雨一蒼鹿魯文公三年秋雨螽于宋

述異漢武帝天漢元年三月雨白毛三年八月雨白

黿惠帝四年雨血于宜陽一頃成帝鴻嘉四年秋雨

魚長五寸以下哀帝建平四年四月山陽湖陵雨血

桓帝建和三年七月北地廉縣雨肉如羊肋或大如

手晉泰始八年蜀地雨白毛宋康元年三月尉氏雨

血建興元年十二月河東雨肉劉聰時平陽雨肉長

三十步廣二十七步旁有哭聲晝夜不絕臭聞百里

卷之十一

晉書北齊河清二年十二月雨血于太原隋開皇六年

七月京師雨毛如馬尾長者二尺餘通志金哀宗天

興三年正月巳酉京索間雨血十餘里金史唐乾符二

年洛陽隕殺羊集異志

漢武帝征和四年二月隕石于雍二聲聞四百里桓

帝延熹七年三月隕石右扶風鄠皆有聲如雷魏武

帝末年鄴中雨五色石後魏宣武帝景明四年涼州

雨土如霧通志唐德宗貞元四年正月雨木于陳留

十里許大如指長寸立如植木宣宗咸通八年七月

泗州雨湯沸如火殺鳥雀唐志宋光宗紹熙五年十一

月行都雨木如唐貞元所雨宋史至正壬辰雨粉鐵于

湖廣民家戶壁間草木子至正元年雲南硯嘉縣雨鐵

民舍山石皆穿至正二十一年昆明縣雨鐵雲南志

本朝正德二年雨紅水于杭州都御史錢鉞家嘉靖

八年夏杭州城內雨黑水郎瑛七修彙

周穆王時天下連雨三月王乃吹笛雨遂止述異漢記

文帝初年霖雨百日西京雜記漢獻帝末年秋大霖雨積

五十餘日曹丕改元黃初乃霽魏略晉成帝咸和四年

陰霖五十餘日蘇峻滅乃霽晉中興書唐武后甲辰歲霖

雨并雪積百五十餘日明年正月誅張易之廢武后

乃晴霽玄宗開元二年四月陰至于六月百餘日誅
竇懷貞等十七家乃晴順宗時王叔文用事連日霖
雨及立憲宗為太子天乃大晴唐書

周桓王六年三月庚辰大雨雪深七尺春秋考漢元
異郵

封二年大雪深一丈野中鳥獸皆死漢書漢章帝時耿

恭在疏勒為虜所困燉煌守遣兵二千人迎之遇大

雪深丈餘續漢書晉武帝時以尚書令賈充領隴右諸

軍事赫發適大雪平地深三丈王隱晉書

晉太康七年十二月河陰雨赤雪二頃晉朝梁簡文
雜事

帝時襄陽雨黃雪唯邵陵王蕭綸塚上無雪南唐貞
史

元二十一年正月京師雨赤雪唐書元至正乙未冬湖

廣雨黑雪草木子本朝正德七年二月廬州雨紅雪又

雨豆類槐子廬州志

五代時天復十年夏隕石于洪州越王山下有聲如

雷光彩五色其濶十丈袁吉江洪四州之境咸見其

光石長七八尺圍三丈餘青碧如玉七日內石漸縮

減又數日僅長一寸錄異記元至正甲午河北山東多

隕石大者如屋陷入地丈餘洛陽有大星隕地衮行

數十丈土石皆融液而流須臾望西飛去草木子弘治

庚戌二月陝西慶陽縣隕石如雨大者四五觔小者

半之擊殺人以萬數石又能言王鎬寓萬曆壬子季

冬廿五日順慶府安州無雲而雷隕石六其一重十

七斤一重十五斤一重八筋小者重一斤以下出謝

五禱

周夷王七年冬雨雪大如礪竹書漢武元封三年十二

月雨雪大如馬頭成帝河平二年四月楚國雨雪大

如斧飛鳥皆死漢書安帝延光元年河西大雨雹如斗

獻帝初平四年六月寒風如冬右扶風雨雪如斗殺

人袁山松後漢書石勒時雹起西河界山大如鷄子平地三

尺行人鳥獸死者萬數十六國春秋唐天祐初年六月鼓

城大雨雹有一雹隕佛寺前高與寺樓等入地可丈

餘經月乃消稽神錄元世祖至元六年興國雨雪大如

馬首殺禽獸無筭湖廣通志至正庚子太原雨雪大如數

斗噐牛馬多死草木子金熙宗天眷元年五月汴都太

康縣大雷雨冰龜巨數十里松漠紀聞

魯成公十六年正月雨木冰又明年八月成公薨春秋

唐開元二十九年冬京師寒甚凝霜封樹時論以為

木冰亦名樹介寧王憲見而歎曰諺云樹稼達官怕

必有大臣當之吾其死矣十一月薨諡曰讓帝舊唐書

宋熙寧二年京輔猛風大雪草木皆稼冰厚數寸既

而華山震阜頭谷圯數百丈未五年而司徒待中韓

魏公薨涖宅編本朝成化丙辰仲冬自西華至扶溝雨

木冰巧若雕鏤次月少保大學士李賢卒劉昌瓊探萬曆

戊寅仲冬江以南木冰旬日不解地面冰厚數寸未

五年而張江陵卒附記

凡五星所出羸縮失位其精降于地為人歲星為貴

臣熒惑為小兒歌謔嬉戲鎮星為老人婦女太白為

壯夫處於林麓辰星為婦人晉天文志漢武帝時東方朔

將卒曰知我者唯太王公耳帝召王公問焉公言天

上諸星具在獨歲星不見者十八年今復見耳帝歎

曰朔在朕傍不知是歲星也方朔別傳漢世竝言東方朔

是太白星精變化無常風俗通吳孫休時有群兒嬉戲

中有一兒眼絕光芒語曰我熒惑也將示爾三公歸

于司馬言畢聳身而躍仰視唯一匹練沈約宋書

周厲王時北斗與三台竝流不知其所厲王沒後斗

與三台復見獨異志唐太宗時北斗化為胡僧七人飲

西京酒肆飲過二石李淳風密聞于帝帝召之七僧

笑曰必淳風小兒言我也遂不見國史纂異唐玄宗時北

斗七星化為七豕僧張一行令人捕寘大甕中詰朝

大史奏昨夜北斗不見以問一行因大肆赦而出之

斗悉復見西陽雜俎唐侍御史太原郭翰為士人時織女

星化為少女降其家翰問辰象之事荅曰人間觀之

只見是星其中自有宮室居處群仙皆遊觀焉靈惟集

唐時織女婺女須女三星初降蒲州姚氏以語泄俱

去遂降張嘉貞宅其後將相三代神仙感遇傳唐壽州刺

史張士平中年夫婦竝患瞽疾禱請甚至一旦太白

星化作書生示以福地浚井之方井成而疾愈感遇傳

平原趙顏貌主天亡管輅令齋酒脯卯日刈麥地南

大桑樹下有二人圍碁汝但酌酒置脯拜之果見兩

人南北相對坐奕顏進酒脯數巡北坐者叱顏何故

在此南坐曰適來飲其酒脯寧無情乎因借文書看

之取筆挑十九字為九十語顏曰救汝至九十回以

語輅輅曰北邊坐人是北斗南邊是南斗汝得增壽

矣搜神記宋章聖二年有人長三尺許身首幾相半遊

卜于京師飲酒無筭帝聞召見之賜酒一石飲及七

斗明日司天臺奏壽星臨帝座忽失所在濯纓亭記

秦始皇時十五年間彗星四見久者八十日長或竟

天其後秦併六國外攘四夷死者如亂麻漢天文志漢獻

帝初平四年有流星八九丈西北行有聲如雷望之

如火照地是曰天狗後漢書司馬宣王圍公孫淵夜有

大流星長數十丈墜襄平已而淵敗吳志晉懷帝末嘉

元年九月有大星如日小星如斗自西南流于東北

有聲如雷天盡赤晉元帝末昌元年七月有流星大

如甕長百餘丈從西方來尾分爲百餘岐方散梁太

清二年正月有流星長三十丈墮武庫 漢武帝建

元六年八月長星出東方長竟天三十日乃去占曰

蚩尤旗也唐至德二載十二月有流星如斗大東北

流長數丈蛇行屈曲有碎光迸出是謂枉矢元和十

二年九月有流星起中天首如甕尾如二百斛船長

十餘丈聲如群鴨飛明若火炬過月下西流墜地有

大聲龔龔隊陸陳蔡間開成四年二月己亥夜四方中

天星流大小凡二百餘竝西流有尾迹長一丈至五

丈文獻通考宋徽宗崇寧中長星出推步躔度長七十二

萬里陸游筆記

五星聚房武王伐殷五星聚東井漢高帝入秦宋書

五星聚冀方而魏文帝受禪魚秦典畧秦二世時五星會

於南斗而尉佗王于越南越志五星聚箕尾而安祿山

反于燕唐志五星聚奎而宋太祖啓國及太宗即位而

五星又聚于奎宋史

南斗爲吳越分野熒惑入斗有兵戈之事漢武元鼎

中熒惑守南斗後數年南越反漢遣三將軍滅之順
 帝末和四年七月熒惑入南斗後二年九江丹陽賊
 周生等攻浚郡縣靈帝熹平元年十月熒惑入南斗
 時會稽賊許昭等僭號越王攻破郡縣後二年揚州
 刺史臧旻破賊苴康漢書志梁武帝中大通六年熒惑
 入南斗後十三年侯景破臺城本朝洪武二十二年
 正月熒惑入南斗却後十四年而靖難之師入南都
 嘉靖庚子九月壬子熒惑入南斗却後十二年倭奴
 寇蘇松北溥通泰附記
 恨山有風穴夏則風出冬則風入春秋分則風靜每

四月中去穴數丈令人寒慄至六月中尤不可當崧

宜都龍山四麓下各一大穴如車輪春則風出其東

夏出其南秋出其西冬出於北邢子勵武周縣火并

北百餘步有風穴其深不測穴中常有風出雖三伏

盛暑寒吹凌人水經注汝南多大風云自城北風穴中

出今風穴已夷而風自若諺云汝州風許州蔥沈氏筆談

廣濟縣東十五里有風洞以石投之風即起黃州志納

樓長官司東二十里有風洞四時風自洞出人不可

近雲南通志恒山風井口如甕春分後風出秋分後風入

宗炳詩序入褒谷內有風出去此三四里內無復草木梁州

記旄山之尾有谷曰育遺多惟鳥凱風自是出今丘之山無草木多火其南有谷曰中谷條風自是出山海

經西海有山周迴千里中有大石鼓可百丈海行者聞石鼓聲如雷則鯨魚便起而風扶南傳

晉太康六年風暴怒百川倒流太山崩裂又七年狂

風大作稽含集熙寧九年恩州武城縣有旋風自東南

來望之挿天如羊角大木盡拔卷入雲霄中既而縣

城官舍民居人口婦女盡卷入雲已復墜下縣治悉

為丘墟沈氏筆談元至正戊子未嘉大風海舟吹上平陸

二三十里草木子本朝成化九年四月丁卯山東大風

空中有紅光燭地頃之晝瞬移時漸復國史嘉靖辛亥

九月二十六日巳時海鹽大風海上泛筏者溺死三

十六人徐州洪上同日丑時大風壞運船八百隻海

衛六隻民船數百北京風尤大每二千里風之行差

三時海沂子萬曆巳卯正月晦京師大風拔木西城門

鎖夜中為風所搏遂厭狹不可啓附記

晉安帝義熙三年六月雷震太廟鴟尾徹壁柱若有

文字晉中典書宋大中祥符間岳州玉真觀為天火所焚

唯存一柱有謝仙火三字倒書而刻之仙人何姑言

謝仙者雷部中鬼也夫婦皆長三尺色如玉掌行火

於世間宋國史

宋治平中秀州華亭縣雷震大王寺柱

上有倒書高洞楊雅一十六人火令章凡十一字

筆談

又德清覺海寺宋時為雷所震殿柱上有雷書十二

字曰酉侯李約火攸利火謝均思通字大盈尺入木

三分倒書于柱

德清縣志

毗陵古寺柱間有雷神書一行

云石牀侯十三人火下有緒月字

姚寬叢書

夏桀無道夏隕霜冬下露秦穆公即位仲夏霜殺草

日中不消

春秋命歷序

鄒衍事燕惠王被譖繫獄仰天而

哭五月下霜

淮南子

北齊武成時晝霜下其年傳位於

太子緯

隋書

唐武后證聖元年六月陸州隕霜殺草元

和十四年四月淄青隕霜殺惡草及荆棘而不害嘉

穀

唐書

湘潭鵝管山霜可染紫為天下冠

常奉真相潭記

周穆王五十一年壬申二月十五日暴風拔木地震

天黑西方有白虹十二道南北通過連夜不滅太史

扈多曰西方有聖人度滅衰相見耳

周書異記

孔子作春

秋制孝經既成告備于天乃決鬱起白霧摩地赤虹

自上而下化為黃玉長三尺有刻文

搜神記

漢昭帝時

上官桀謀為廢立時天雨虹下屬宮中飲井井水竭

漢書

晉義熙初有虹飲于晉陵薛願釜澳喻響便竭願

輦酒灌之隨投隨咽便吐金滿釜於是災弊日祛豐

富數臻異苑宋劉義慶在廣陵卧疾食粥忽有白虹入

室就飲其粥義慶擲噐于階遂作風雨聲獨異志後魏

明帝時首陽山中有晚虹下飲于溪泉良久化為女

子樵人陽萬見之告蒲津戍將宇文顯以聞帝召入

問曰我天女也帝欲逼幸之遂復化為虹而去入朝籍惟

錄仙人周子良見天西北有一物長數十丈青赤色

首尾等大狀似虹蜺張理禁言名玄霞之獸或呼水

母此九六之災顯矣陶隱居真通記唐韋臯鎮蜀嘗宴客于

郡西亭直暴風雨俄頃晴霽有虹自空而下垂首于

筵吸飲食且盡五色似霞其首似驢四視左右久之

乃去尋有詔拜臯中書令宣室志

異林卷之十二

木異

漢惠帝七年夏雷震南山大木數千株皆火然至末

其下數十畝地皆焦黃人後往視其間得龍骨一具

鮫骨二具西京雜記元帝建昭五年交州山陽橐茅鄉社

有大槐樹吏伐斷之其夜樹復立故處成帝末始元

年二月河南街郵檣樹生支如人頭眉須目皆具亡

髮耳哀帝建平三年十月汝南西平遂陽鄉柱仆地

生支如人形身青黃色面白頭有頰髮稍長大凡六

寸一分漢五行志靈帝熹平三年右校別作中有兩檣樹

皆高四尺所其一株宿夕暴長長丈餘大一圍作胡人狀頭目鬚髮備具五年十月御所居殿後槐樹皆六七圍自拔倒豎根在上後漢書建安二十五年正月

曹公在雒陽起建始殿伐濯龍樹而血出又掘徙梨

根傷而血出魏志桂陽太守張遼江夏人田中有大樹

十圍命伐之六七血出斫其枝上有空處白頭公可

長四五尺突出赴人張逆格之凡殺四頭審視之非

人非獸遂伐其木其年張辟侍御史風俗通晉永康二

年壯武國有桑化為栢已而張華遇害壯武華所封

之國也懷帝末嘉二年冬項縣桑樹有聲如解村人

謂之桑樹哭元帝大興四年王敦在武昌鈴下儀仗

生華如蓮花六日而萎晉書洪州使廳前有皂莢樹一

株歲月頗久俗傳此樹有花則地主大憂元和八年

韋丹在洪州一日忽花韋遂去官中路而卒河東開

元二年終南山竹花而實其年竹竝枯死按襄楷言

國中竹栢枯者不出三年主國者當之一家枯者家

主當之開元四年太上皇崩朝野僉載桂州境有林木數

十里每月盈之夕輒有笛聲發林中父老云已數十

年宋慶曆中尚書余靖知桂州遣人伺之聲從大栢

中出伐取為枕笛聲如期而發凡數年公弟命工解

視木文理正如人於月下吹笛形遜齋開覽元至正丙申

嘉興楓涇鎮戴君實門前柳樹若牛鳴者二遂斬其

樹又海鹽州趙初心塚上松楸忽作老鸛聲戛戛不

絕經兩時方止俄而戴趙兩家俱為苦軍所殘破耕

錄宋熙寧元年七月英州雷震一山梓樹盡枯而生

龍腦京師龍腦為之驟賤每一兩直錢千四百味苦

而香酷烈又左班殿直張樞為父作周身之具一杉

木內文理有泗州普照化王之像眉目衣座皆具郭

功甫為文以紀之能改齋漫錄方勺言紹聖間迎侍先子

西湖圃居五年春圃桃千株結實皆獲明年先子捐

館李龍圖云頃為婺州錄事參軍解中櫻桃一株畫

結雙實亦丁外艱泊宅編國朝末樂中雲南普寧州大

風折一古樹軍陳福海解以為版內具神像著冠執

笏容貌如畫彼中神而祀之有禱輒應正統二年學

正楊茂請加封詔不允國史實錄萬曆中渝之巴縣詹貞

吉侍御家柏枝上忽有凝雨如珠而其民俗相傳為

甘露競取食之是月侍御母卒殆雀節也甘露色微

紅而味甘雀節色白而稍濁朱氏楮談

齊末明九年秣陵安時寺有古樹伐以為薪木理自

然有法天德三字唐大曆中成都民郭遠伐薪得一

棧理成字曰天下太平詔藏秘閣西陽雜俎五代梁開平

二年李思玄攻潞州營于壺口伐木為柵破一大木

中有朱書六字曰天十四載石進乃表上之司天監

徐鴻曰丙申之年有石氏王此地也後石敬瑭起竝

州果在丙申歲稽神錄宋太祖建隆五年合州漢初縣

上青樛木中有文曰大連宋三字太平興國六年温

州瑞安縣民張度解木五片皆有天下太平字宋史英

宗治平元年杭州南新縣民析柿木中有上天大國

四字挺出半指如支節書法似顏真卿沈氏筆談神宗熙

寧十年八月連州言抽木有文曰王帝萬天下太平

政和二年十月安州武義縣木根有文曰萬宋年歲

紹興十四年虔州民毀歆屋柱木理有五字曰天下

太平時宋史淳熙十六年七月晉陵縣民析薪中有四

字曰紹熙五年如是者二既而明年改元紹熙果五

年而光宗崩鬼神豫定之奇如此文獻通考元天曆己巳

平江萬戶府構正衙解一巨木中分有天下太平之

王六字其大如斗平江紀事元己虜宋矣真州樵人析一

木中有三字曰天下趙其木丈二尺圍其字青半解

揚州半留真州文文山集本朝洪武元年臨川獻瑞木木

中析有文曰天下平質白而文玄當有文處木理隨

畫順成無錯迂者宋景補羅迦樹隨解之處中表皆

有吉祥之文大寶積經低彌羅樹隨分斷處皆有爪字之

文寶積經

漢光武時開陽門始成宿昔有一柱飛來樓上琅琊

開陽縣上言南城門一柱飛去光武使按視遂以開

陽名其門水經注始興郡陽山縣有豫章木本徑二丈

名為聖木秦時代伐此木為鼓頽頽成忽奔逸比至桂

陽盛弘之荆州記代城始築立版榦一旦亡西南四五十版

於澤中自立結草為外門因就營築焉博物志吳起建

業宮使匠伐材至明塘谿口梅下俄見樹長堪為梁

伐取至都則梁已足此木一夜飛還會稽土人異之

號曰梅君今在溪中十道志

異草木

隋縣末陽山壁立千仞岩上有石室名神農窟窟前

百藥叢茂莫不畢備別有異物藤花形似菱葉朝紫

中綠晡黃暮青夜赤五色送耀異苑施州施南縣慢水

寨有普舍樹覃氏之祖所植也四時開百種花覃氏

子孫歌舞其下花乃落而簪之他姓往歌花不墮也

晉舍華言風流湖廣通志本朝留都大內丞相府有五穀

樹質如鐵石相傳樹中能生物如五穀朱秉堽楮談大食

勿斯離國有天生樹其果名曰蒲盧次年復生名麻
茶澤二年再生名沒石子蘇軾錄元氏熊耳山有丹青

樹其葉一青一黃望之如錦得而服之者成仙真定府志

金州西北五里心山有草無風自搖有風不偃鄆縣

南八里有淨土樹昔鳩摩羅什西來憇此覆其履土

遂生茲樹二月開花如楊花八月結實狀如小栗剖

之其中皆是黃土陝西通志桂林東五十里駁鹿山廣四

十里山之顛有二池水色緝碧水中生蓮其花五色

交煥初非人種謂之飛來蓮廣西通志武當石階山有救

窮草冬夏不枯食三寸許可代穀氣一月唐唐樞冀王越通

屋山有異草制百毒能救垂死者山中人謂之墓頭

回草蘇東坡外集會稽縣東二十四里有橫山山有神草

青葉赤莖以覆死人可更生會稽志蘄州嘗產十二時

竹其竹繞節凸生子丑寅卯等十二字安福周俊叔

得此植之家庭十餘年筍而竹者十之三青箱雜記漠北

有草名鴨不蘆食其汁立死以它藥解之即蘇華佗

洗腸胃攻痰疾疑先服此輟耕錄東海祖洲之上有不

死之草形如菰苗長三四尺人已死三日者以此草

覆之即活十洲記曼陀羅草其葉如茄葉花有大毒末

之置飲食中令人昏醉取一枝掛酒庫內飲其酒者

易醉何子元錄靖州綏寧有夢花其莖如藤其花黃白

叢條如線有疇昔得夢而遺忘者紐之即寤又有草

名八角蓮可以伏蛇諺云識得八角蓮可與蛇共眠

湖廣通志廣西有都管草一莖六葉能辟蜈蚣又有蛆草

能辟蚊蝇廣西通志紅草產廣西太平府亦名草禁彼人

用以漬水作紅飯或以染帛又有胡蔓草葉似柳而

大蔓生著黃花一葉下咽立能殺人亦名斷腸草又

名香茵唯甘草汁解之太平府志無風獨搖草男女帶之

則相媚又有楹子草蔓生取其子中仁帶於衣令人

有媚多迷人北錄鶴子草形如飛鶴當夏作花有雙

蟲生蔓間食其葉久則蛻而為蝶女子佩之號為細

蝶南人用為媚草南方草木狀牧靡縣山中生草可以解

毒諸鳥誤食鳥喙而中毒者必急飛往此山啄此草

以自救名牧靡草水經注牧麻草有大毒此草值風吹

其氣所至則數里內稻皆死李淳風云牧麻之汁本

清得水即濃見日則濕入陰即乾在夏欲涼在冬欲

溫感應經蕉毒草如芋巨狀如雀頭置燥地則潤置濕

地則乾飯時種於竈上比飯熟即著花結子人食之

立死感應經桂林有睡草見之者令人睡一名醉草亦

名嬾婦箴述異記吉利草莖如金釵股形顛石斛根顛

芍藥交廣俚俗多蓄蠱唯此草及良耀草解之良耀

枝葉如麻黃或名吉財南方草木狀吉祥草蒼翠如建蘭

而無花不藉土而能活涉冬不枯或云花似素馨而

色紫遇大吉事則花西湖遊覽志隔火草火不能燒若江

河之隔火也一名火河埤雅蒿菜出岡國有毒百虫

不近蛇虺過其下觸之則目瞑不見物人有中其毒

者唯生薑汁解之墨客揮犀廣州府膏藤津汁軟滑土人

入山伐木為船去水動有數里用此藤導地牽之如

流五六丈船數人便運廣州志漢陽縣產毒菌號茹間

每歲供進苟有此菌即立表示人不敢從下風過采

之日以竹竿芟倒遽捨其竿於地毒氣中竹一時爆

裂直候毒歇仍以櫟柳皮蒙手以取用氈包之亦櫟

柳皮重裹縣宰封印而進北夢瑣言千歲子有藤蔓出土

子在根下綠鬚交加若織其子一包恒二百餘顆皮

青黃肉味如栗 其儲皮紫而肉白其實如拳大者

如甌南人種此以代糧名曰儲糧大抵南方鮮二毛

者唯海中人壽百餘由食其儲故爾南方草木狀

澄州產方竹體如削成可用為杖漆州產通竹直上

無節而空洞高潘州有踈節竹五六尺而一節北戶錄

成都有竹青黃相間謂之黃金間碧玉辰州有龍孫

竹生山谷間高不盈尺細僅如鍼桃源山有方竹湖

湘間有徑尺之竹可以甌羅浮山有龍公竹其大徑

七尺一節長丈二尺葉若蕉張湜雲剡山有人面竹

節促而凸頗類人面會稽志交廣有思摩竹筍自節生

筍既成竹至春節中還復生筍草木狀嘉定州產月竹

每月生筍陸子淵外集黑竹如藤長丈八尺色黑如鐵每

節長二三寸名觀音竹產占城國殊域周咨

太極之山西有采華之樹服之則通萬國之語玄中記

千歲之栝其下根如坐人長七寸刻之有血以血塗

足可步行水上以塗人鼻入水水為之開又刮以雜

巨勝為燭能辨地中金玉寶藏其光變青而下垂者

藏也抱朴子肅慎國產雜裳木其木無皮中國有聖帝

代立者則此木生皮彼中人始衣山海經注

北方有白桑椹長數寸食之其美異苑吐谷渾有桃大

如石甕洽聞記蜀主昇平常理園苑有青城山叟申迅

進紅梔子花爛紅六出芬香襲人結實甚大用以染

素則成赭紅景煥開話菴羅果產交州彼中謂之香蓋似

北梨四五月間熟乃果中之極品也殊域周咨虜蘇割刺

在荅魯之右石皆赭色無他草木唯產天仙椒椒大

如彈丸然之香徹數里每然此椒輒有五色鳥翮翔

雲際名楮爾鳥蓋鳳種也漢武帝逐匈奴至此得其

種而東方朔名之新錄羅望果自外皮剥至見膚凡

九層廣東人呼為九皮果太平府志嵩岳有三花樹一年

三花其花色白而香樹極高大是外國道士將來種

者即貝多樹也嵩山記拾樸木一名無患神巫珞珉用

此為棒以殺百鬼崔豹古今注西海聚窟洲有山作人鳥

形山多大樹與楓相類而花葉香聞百里名返魂樹

伐其根煮以玉釜煎為黑飴名驚魂香死者聞此香

氣却活十洲記大食國西大海中有一方石石上有樹

榦赤而葉青枝上生小兒長六七寸見人皆笑動其

手足摘取其枝則小兒死述異記尸陀林果如男女狀

然則顏色美豔亦名男女林未幾即墮地腐穢楞伽經記

海中寶洲有醉果氣味絕香食之珍美一醉七日始

解其樹名為樹寶燒之以薰瓦石皆成殊珍大寶海積經

中寶洲有果名摩檀那入海采寶者不得取食此果

食之便不能采致珍寶出曜經旃檀那樹芽葉皆能除

衆生痰疾將此木入宅舍內諸怖悉除無有寒熱饑

渴之患諸法最上王經牛頭旃檀在地下時芽莖枝葉如閻

浮提竹筍不能發香仲秋月滿卒從地出成旃檀樹

為上妙之香三昧海經伊蘭之花紅色可愛臭薰四十由

旬若有食者發狂而死

三珠海經

天末香莫若牛頭旃檀

天華香莫若檠蒲伊蘭

華嚴經

徐州蕭縣綏輿山有天

棗樹在天門寺春時吐華結實如酸棗可食每四月

七日其實偕熟次日遂空

徐州志

回紇野馬川有木曰

鎖鎖燒之為火經年不滅且不作灰

成都江瀆廟

前有樹六株高五六十丈圍三四尋無它柯榦其顛

纔生枝葉皮似龍鱗葉如鳳尾結實如棗而加大自

漢以來即有之每歲仲冬守令具牲祭之乃采其實

浸以蜂密封而入貢名曰金果泉州亦有萬年棗三

株識者謂即蜀之金果也

輟耕錄

宋南渡時高麗進陰

陽栢二株初僅二尺種之未懷寺殿左右庭久之高

與殿等每左花則右實右花則左實

珍珠船

唐時四川

忠州有木蓮二株其高數丈在白鶴山佛殿前其葉

堅厚如桂仲夏作花狀似芙蓉香亦如之每花坼時

有聲如破竹

白樂天長慶集

宋淳熙間秦中有雙株海棠其

高數十尺修然在眾花之上與江淮所產絕不類荆

南官舍亦有兩株略如之姿豔柔婉豐富之極

徐仲車集

青城山有牡丹樹高十丈花甲一週始一作花末樂

中適當花開蜀獻王遣使視之取花以回

蜀古志

萬曆

中豐城南鄉民家有牡丹一本高近丈餘每春花時

至數百朶附記蜀西雪山有佛果樹高數丈葉如芙蓉

花白兩出若蓮瓣大如掌參差相掩陽則展敷陰則

脗合果在其中至冬殷紅大類陝州所謂紅消梨

東陽果幹若杉松葉如馬鬣種至十年乃實實如橄

欖而無核俗名肉果以灰煨熟而食之埤雅陝西有

歐蒲果狀如柿瓣有稜味酢而其置篋笥中香經月

不散廣要周公墓上有模木其葉春青夏赤秋白冬黑

水東燕昭王時有長春樹其花如芙蓉四時異色春

碧夏紅秋白冬紫枝葉如桂未嘗凋落辰州嵩溪有

丹青樹枝葉直上有五色圓如華蓋下無別幹亦謂

之五采樹述異晉華林園有仙人棗核細如針西陽

蜀中產斲木其材堅剛其性委曲高者不至二丈華

國琉仇國產一種木曰金荆榴色如真金密緻而文

綵盤蹙有如美錦細膩而香隋煬帝時朱寬征南得

此木數十片用以作枕及案面沈檀所不及朝野

雲南太平諸郡有木肌柔膩而色白如銀名曰銀木

用以製噐絕佳太平松蘿木唯安南有之唐大中間

裴休建宣州廣教寺黃蘗禪師募得此材以神通力

皆自井中踊出寺成尚餘八株植之殿前輒敷榮長

茂遇僧有異行者即開異花數色宣州南海島上有

木名伽陀羅紋如銀屑其堅如石又有烏文呿陀諸

奇木沈氏筆談橫州產鐵樹高三四尺幹葉皆紫黑色葉

類石南而質細厚每遇丁卯年乃花花四瓣紫白色

如瑞香一開累月不凋日詢手鏡東海滄浪洲生強木洲

人用作舟楫此木方一寸可載百許斤縱石鎮之不

能沒神異經孔林有楷木可為杖橫文如蛇腹節節可

觀宋景濂集祁連山上有仙樹實行旅得之以止饑渴其

實如棗鐵刀剖之則苦木刀剖之則酸蘆刀則辛竹

刀則甘一名四味果酉陽雜俎河州鳳林關有靈巖寺每

七月十五日溪穴流出柰實其大如盞名曰聖柰以

為常冷聞記南海祠前波羅蜜樹其實大者重至二十

斤皮青黃色多角似刺蝟子味似茨菰肉甚豐厚漬

之以蜜可致遠云水東日記蜀地楊柳多寄生狀類冬青

亦似紫藤經冬不凋春夏之間作紫花散落滿地冬

月望之榮枯各異陸子淵外集

東方大荒中有樹名曰柰稼櫃二千歲作花九千歲

作實實長九尺色赤無瓢核竹刀剖之如凝蜜南方

有樹名曰如何三百歲作花九百歲作實實長五尺

金刀剖之則酸蘆刀剖之則辛食之者地仙又有大

梨樹高百丈葉長一丈子徑三尺東南有邪木高三

千丈葉如甘瓜三百歲晝落而生花復二百歲落而
生萼萼下生子三歲而成熟長七八寸徑四五寸取
子留萼萼復生子食之令人冥醉一名綺縞樹神異經
茶陵州雲陽山有草高三十丈一本千枝一枝萬葉
百年而開一華已開不謝陰卷晴舒狀似芭蕉名曰

經劫草

茶陵州志

異林卷之十三

鳥獸

第一大鳥不過金翅鳥頭尾相去八千由旬

菩薩處胎經

金翅鳥初生時其目明利有大勢力

華嚴經

金翅鳥投

龍宮中搏諸龍而食噉之

本緣經

崑崙有銅柱其高入

天圍二千里上有大鳥名曰希有南向張左翼覆東

王公右翼覆西王母背上小處無羽一萬九千里

神異

經水

楚文王時有人獻一鷹載以出獵俄而雲際一

物凝翔鮮白鷹便竦翮而升須臾羽墮如雪血下如

雨有大鳥墮地廣數十里博物者以為鵬雛也

幽明錄

光武時辛繕隱居華陰屢徵不至有大鳥高五尺鷄頭燕頤蛇頸魚尾五色備舉棲繕槐樹旬時不去弘農太守以聞詔問百寮咸對以鳳太史令蔡衡曰凡象鳳者有五多赤色者鳳多青色者鸞多黃色者鷓雛多紫色者鸞鷺多白色者鵠也

決疑注

華陰縣有鳳居山唐開元中有鳳逐二龍至此龍墮地化為泉二道鳳忿而死其一龍為鳳爪所傷流血泉色遂赤僧以石函瘞鳳于山顛景泰中州官發其函視之鳳脛骨長二尺圍可六寸股骨長尺五寸其潔如玉

陳貞父寶鷄錄

金章宗泰和二年八月磁州武安縣

鼓山石聖臺有大鳥十集臺上其羽五色多赤黃文赭冠鷄項尾潤而修若鯉尾而長高可逾人九子差小侍其傍禽鳥萬數首皆正向如朝拱然蓋鳳凰也留二日向西北去視其處糞迹數頃所食皆巨鯉大者丈餘魚骨蔽地

金史

末樂已亥忽魯謨斯貢駝鷄其狀駝首鳳喙鶴頸鳧臆修尾蒼距鷲武而有力高可八尺三佛齊國有火鷄頸足似鶴而大紅冠銳喙毛如青羊爪甚鈔利傷人腹致死能食炭

殊域周咨

唐末徽中西夷吐火羅國獻

駝鳥高七尺性好食鐵人有中鐵鏃入肉者食其糞

立消羅子憲成化中滿刺加進火鷄軀大如鶴羽毛

雜生好食火炭駕部郎張汝弼嘗目試之菽園雜記

波斯國有鸞鳥噉羊土人極以為患梁書

唐咸通中吳越有異鳥極大四目三足鳴山林間其

聲若曰羅平占曰國有兵人相食集異志隆萬間緬甸

有鳥四足而肉翅其大如鵝其鳴似鶴能飛而不能

遠其雛胎生飛行則負雛于背不踐稼穡不食生蟲

殺之必見不祥朱秉堽楮談海西富浪國有大鳥駝蹄蒼

色能食火鼓翅而行其高丈餘又黑契丹國孔雀如

中國所產唯尾在翅內每日中振羽劉郁西使記

河州有禽名骨託狀如雕高二尺許自呼其名能食

鐵石郡守嘗宴賓出示之或取三寸白石繫以絲繩

即啄而吞之良久牽出是石已如泥矣墨客揮犀

博白有遠村曰錄舍皆高山大木人跡罕及斗米一

二錢山多鳳凰其大如鵝五色有冠穴大木之顛而

為巢出必雙飛所過則諸鳥斂翼俛首不敢鳴者久

之蓋古所謂丹山也蔡條鐵園叢談宋時淄青一民家燕巢

累年增廣至二尺燕雛既飛忽一旦野禽來集庭除

甚眾驅之不去已而燕巢破決有白鳳雛長二尺餘

望西南飛去諸禽遂散其家亦墮方回開抄

崑崙層期國常有太鵬飛則遮日能食橐駝其翼本

截之可作汲水具埤雅虎鷹身大如牛翼廣二丈能

飛捕虎豹李石續博物志秃鷲似鶴而大高八尺善與人鬪

尤好啖蛇萬曆壬辰春武寧山中有大鳥高七八尺

似鶴而蒼頂秃無毛其喙有觚稜七八痕所在之處

無物不啖魚鳥為之一空蓋秃鷲也物緯

宋淳熙初李壽翁守長沙募人捕九頭鳥有射得一

枚以獻身圓如箕十脰環簇九脰有頭其一頭獨缺

唯滴鮮血脰有兩翼飛時十八翼霍霍然動更相爭

翅有折傷者夷堅志景定間周漢公主有疾一日方晝

忽有九頭鳥集其宅擣衣石上其狀顛鳧大如箕哀

鳴啾啾畧不畏人射之不中俄爾飛去是夕主薨西湖

游覽志雪山下有二頭鳥同共一身其一名迦婁啖鳥

其一名憂波迦嘍茶鳥二鳥一頭若睡一頭便寤佛本

行魯僖公時海鳥爰居止于魯東門之外二日臧文

仲使國人祭之展禽曰廣川之鳥獸恒知而避其災

今茲海其有災乎是歲也海多大風冬煥國語漢元帝

時琅琊有大鳥如馬駒時人謂之爰居爾雅注孟臬廣

政十六年九月有鷄居集端鼎門蜀檮机

比方有慈烏狀似大鷄善啄物見牛馬橐駝脊間有

瘡輒啄而食之往往致死若饑不得食雖砂石亦食焉虜人呼為活羅金史本紀寒嶺去大陽川三十里有雀

鼠同穴雀亦如家雀色小白鼠亦如家鼠色如黃虺

無尾沙州記涼州之地有兀兒鼠形狀似鼠尾若贅疣

有鳥曰本周兒其形似雀而色灰白兩物同穴而處

禹貢所謂鳥鼠山也甘肅志

薛嵩鎮魏時得一鷹甚神俊有東夷人言此海鷁也

善辟蛟螭先是鄴城南陂蛟常為害乃持鷁往忽投

陂水中攫一小蛟出食之且盡宣室志會稽南二千里

有狗國產飛涎鳥似鼠而兩翼每日曙前各占一樹

吐涎如膠沾灑枝葉宿鳥起飛則為所黏乃食之外

記廣西有山鳳凰狀如鵝而鳳喙巢兩江深林中雌

伏那時雄以木枝雜桃膠封其巢僅留一竅取食子

成即發封不成則窒其竅而殺之桂海虞衡

皂雕一產三卵內有一卵為犬子灰色短毛隨母景

而走所逐之禽無不獲者西使記陶九成云北方凡皂

雕作巢處官司必窮探之如一巢而三卵者其一必

狗也取以飼養進之于朝但尾上多毛羽數莖而已

田獵之際雕則戾天狗則走陸所逐同至名曰鷹皆

狗輟耕錄雲南百夷中產黃鸚鵡末樂中常貢此金文

靖有黃鸚鵡賦成化間海南進紅鸚鵡朱衣翠裳沈

啓南見而圖焉殊域宋武帝大明五年廣郡獻白孔

雀荊州清溪秀壁諸山山洞往往有乳窟窟中多玉

泉交流中白蝙蝠大如鷄述異隴州出紅蝙蝠皆深

紅色多雙伏紅蕉花間北戶唐玄宗時有五色鸚鵡

張燕公有表賀稱為時樂鳥西陽

越王鳥出新州似鳶而勾喙喙中可受二升南人以

為酒卮此鳥不踐地不飲江湖不啜百草蟲魚唯噉

木葉糞似薰陸香可治雜瘡羅浮汴洛深山中

有炒麻鳥其聲絕類人言云兒回來孃家炒麻誰知來水

日晉惠帝時有得一鳥毛長數丈張華見而嘆曰此

所謂海鳧毛也此毛出天下土崩矣異山經言鸚鳥

如梟人面四日而有耳見則大旱萬曆壬辰七月初

豫章城中此鳥來集永寧寺屋上高二尺許燕雀從

而群噪之其年五月晦至七月中酷暑異常附

海島中有頊遜國其俗人死歌舞送諸野則有紅鳥

如鸚群飛來食之肉盡乃去竈神五臺山有鳥名寒

號蟲四足有肉翅而不能飛當盛夏時文采絢爛至

深冬嚴寒之際毛羽脫落若鷩雛然徹夜哀鳴日出

乃止蓋月令所謂鷩旦不鳴者也輟耕

蜀中山谷間有一種百舌鳥毛采翠碧蜀人多蓄之
一名翠碧鳥善效他禽語凡數十種非東方所謂百
舌也往往矜鬪至死不解益州方物畧桂林有鳥鳳如鵲

面紺碧髮頭有冠尾垂二弱骨各長一尺四五寸其
末始有毛羽大畧如鳳鳴聲清越又能為百蟲之音

生左右江谿洞中

桂海虞衡

澤州產石英處有雞如雉體

熱無毛腹下毛赤飛翔不遠常食碎石英

陳藏器本草

越地深山有鳥大如鳩而青色名曰治鳥穿大樹作
窠如五六升噐口徑數寸周飾以堊赤白相分狀如
射候伐木者見此樹即避之若有穢惡及犯其所止

者則虎害之白日見之鳥也聽其鳴亦鳥也時作人

形長三尺入澗中取蟹就人間炙食之

搜神記

東方有

鳥名為端琦憎鳥而愛狐

劉向說苑

姑獲鳥鬼神類也衣

毛為飛鳥脫毛為女人喜取人子養為已子小兒不

可露其衣此鳥度即取兒也荆州最多一名夜行遊

女昔豫章男子見田中有六七女人匍匐往就得其

所解毛衣一領藏稻積下諸鳥各就毛衣飛去其一

失毛衣獨留此男子取以為婦生三女後覓得其毛

衣遂飛去

玄中記

橐蜚如梟人面而一足冬見夏執蜚服

之不畏雷畢方之鳥如鶴而一足赤文青質而白喙

見則邑有譌火

山海經

齊有一足之鳥飛集殿前舒翅

而跳齊侯訪諸孔子孔子曰此名商羊童謠云天將

大雨商羊起舞以是知之

家語

新寧縣有獨足鳥其大

如鵠其色蒼其鳴自呼曰獨足

廣州記

東垂有鳥文身

赤口而一足唯食蟲豸不害稻梁其鳴如人嘯聲晝

伏夜翔或時晝出則群鳥譟之俗名獨足或曰山譟

疑卽商羊也

臨海異物志

千秋鳥人面詩如其名

抱朴子

木客鳥大如鵠千百爲群飛集有度俗呼其黃白色

有翼有綬飛獨高者爲君長居前正赤者爲五伯正

黑者爲鈴下緗色襍赤者爲功曹左脇有白帶者爲

主簿各有章色廬陵郡東多有之

異物志

飛廉龍雀也

鳥身而鹿頭

上林賦注

廣西太平府產大頭鳳飛則羽聲

響若轉輪所止之處百鳥不敢鳴

太平府志

大鹿者純靈之獸也五色光耀洞明王者道備則至

角端者日行萬八千里又曉四夷之語明君聖主在

位明達方外幽遠之事則奉書而至周印者神獸之

名也星宿之變化王者德盛則至飛菟者神馬也日

行三萬里禹治水勤勞歷年救民之害天應其德而

至黃帝巡狩至于東濱白澤獸出而能言達知萬物

之精以戒於民爲時除害騶裏者神馬也與飛菟同

跌蹠者后土之獸自能言語禹治水時來至宋書符瑞志

元太祖駐師西印度忽有大獸高數十丈一角如犀

牛能作人語云此非帝世界宜速還耶律楚材進曰

此名角端乃旄星之精也能日馳萬八千里靈異不

可犯帝即回馭錄 駮耕 驪裹金喙赤色一日萬里上林賦注

十橐駝力不如一凡象力倍凡象力不如一迦羅勒

象力倍迦羅勒象力不如一鳩陀延象力倍鳩陀延

象力不如一娑摩那象力倍娑摩那象力不如一迦

泥留象力以至迦泥留象不如優鉢象力優鉢象不

如鉢頭摩象力鉢頭摩象不如拘牟陀象力拘牟陀

象不如分陀利象力分陀利象不如雪象力雪象之

力不如香象之力阿含經 百凡牛力當一水牛力百水

牛力當一青牛力百青牛力當一犛牛力百犛牛力

當一竹牛力百竹牛力當一草象力百草象當一凡

象力百凡象當一黑象力百黑象當一白象力百白

象當一龍力鸞峴經

師子王處深谷中隨所住處諸小蟲獸不能得近以

不堪受其氣響故也若有近者聞其氣響即時躡地

是師子吼時諸小師子尚皆怖畏况餘鳥獸華手經 人

用師子筋以為琴絃音聲既奏餘弦斷絕取牛馬羊

乳合在一器以師子乳投彼器中餘乳消盡華嚴經

西域烏弋有桃板師子犀牛孟康注云桃板一名符

板似鹿長尾一角者或為天鹿兩角者或為辟邪漢書

漢章帝章和元年月氏獻扶拔師子明年和帝即位

安息國又獻師子扶拔西域傳云扶拔似麟而無角

與孟康所說異後漢書

漢武帝時月氏國獻猛獸一頭大如犬子狸形而色

黃聲如雷霆百獸聞之莫不惜服帝以付上林苑猛

獸徑上虎頭虎閉目不敢動已而失去十洲記魏武帝

伐踰頓經白狼山逢一獅子格之傷人忽有一物從

林中出狀如狸起上王車師子將至此獸便跳據其

頭師子伏不敢動遂殺之博物志弘治己酉西番貢獅

子一頭一番人守之又畜二小獸其名曰吼形類鬼

兩耳尖長僅尺餘師子作威時即牽吼示之師輒伏

不敢動蓋吼溺著師子體即潰爛疑是猛獸也沈周禱記

蜀中有獸狀如熊而小毛淺有光澤名猛氏上林賦注

唐開元中安南獵者為一白象所負入遂谷兩崖間

象倚大樹獵者因攀援登其巔明日見一巨黑獸高

十餘丈俄而巨象頷凡象百餘頭至伏其前此獸攫

兩象食之獵者悟象意因發一藥矢中入其口吼擲

久之方死頃之群象數百蹂蹋之以鼻招人負之以出且示所蛻象牙之處令取牙得數萬枚廣異記

唐高宗時伽訛葉國獻天鐵熊能擒白象師子又黃

腰一名唐已人見之不祥俗傳能食虎酉陽雜俎周成王

時央林之國貢酋耳身若虎豹尾長三其身食虎豹

周書林氏國有珍獸其大若虎五彩畢具尾長於身

名曰騶吾乘之日行千里山海經武后末昌中涪州多

虎暴有一獸似虎而絕大逐一虎噬殺之檢瑞應圖

乃酋耳也不食生物有虎則殺之朝野僉載

于闐國有小鹿角細而長與駝交而生子謂之風脚

駝日行七百里洽聞記駝卧腹不貼地屈足漏明謂之

明駝則行千里酉陽雜俎燉煌西度流沙千里無水時有

伏流唯駝駝知之過水脉處輒以足踏地者久之掘

其地必得水博物志浥恒國治烏滸河南本大月氏地

出兩脚駱駝劉璠梁典哥舒翰鎮青海每遣人奏事乘白

駱駝日馳五百里明皇雜錄

南方有獸名曰無損似鹿而豕頭善依人求五穀以

食人割取其肉作鮓其肉尋復神異經大月支暨西胡

有牛名日及今日割取其肉明日瘡即愈日可取三

四斤玄中大食勿斯離國有胡羊高三尺餘每春時

必割取其脂二十餘斤已復縫合仍生如故不取則

脂脹而死埤雅拂林國有羊羔生于土中臍與地連

割之則死唯須著甲走馬擊鼓以駭之其羔驚鳴

臍絕便逐草矣比戶漠北種羊角于地而產羊其大

如兔食之肥美輟耕錄大漠迤西俗能種羊比屠羊用

其皮肉唯存骨以初冬未日著地中當春陽季月上

未日吹笳呪語有子羊從土中出種骨一具可得子

羊數頭蓋四生胎外之化也姚桐壽莊浪有饜羊土

人歲取其脂非久復滿腹蓋地接西番偏方氣使然

耳葉文莊壠種羊出西海以羊臍種土中溉以水聞

雷而生臍系地中及長驚以木臍斷便行嚙草至秋

可食臍內復有種可種也劉郁西西漠有羯尾大於

身之半非車載不可行輟耕錄康居產大尾羊尾上旁

廣重十斤僧玄奘至西域大雪山高嶺下有一村養

羊其大如驢酉陽雜俎忽魯謨斯國未樂中入貢駝鷄其

國產靈羊尾大者重二十餘斤行則以車載其尾殊域

周蛟羊似羊而無角有毒不可啖述異記大秦國有花

蹏牛高六尺尾環繞其身多力善走脩彌國產駁騾

高十尺毛色赤斑翕韓國有飛骸獸狀如鹿青色死

而其骸飛去洞冥記吐蕃有大驢高者可五丈廣袤各

異林

二十七步唐書元至正壬午佛昇國獻黑馬高九尺餘

變尾垂地七尺其國距中州凡八年方至偃曝談余

騰冲有地名緬箐嘗有二獸出見大如橐駝毛色碧

綠獅首象蹠牛尾有齒而無牙頂戴肉角見人則伏

地而鳴土人誤殺其一暴露數日都無臭腐氣父老

言此獸見則有兵朱秉器楮談

蜀南高山上有物如獼猴長七尺能人行健走名曰

猓猓伺行道婦女有好者輒盜之以去十年之後形

皆類之有子者輒俱送還其家產子皆如人博物志

封溪縣有猩猩體似豬而人面作小兒嘵聲既能言

語又知人姓名人以酒取之猩猩亦覺初嘗之而去

其其味遂飲至醉終見羈縛蜀地志狒狒如獼猴力負

千斤亦能人言知人生死笑則上吻揜其額血可染

緋酉陽雜俎邕宜以西南丹諸蠻皆居窮崖絕谷間有獸

曰野番黃髮椎髻跣足裸形上下山谷如飛猿自腰

已下有皮纍垂蓋膝若犢鼻力敵數壯夫遇男子必

負去求合或刺殺之至死以手護腰間剖視得印方

寸瑩若蒼玉字類符篆不可識癸辛雜識

西南荒中出訛獸其狀如虎而人面能言常好欺人

言東而西言惡而善其肉善西荒中有獸如虎豪長

三尺人面虎足牙一丈八尺荒中人張捕之復能逆

知一名倒壽神異經 獬豸獸中最大者龍頭馬尾虎爪

長四百尺善走以人為食述異記 雪山中有一惡獸名

曰能害變詐百千以取諸獸殺而食之若見牝鹿有

子者便為子聲悲鳴相呼若見牡鹿便現有角與其

相似往親附彼因而殺之見牛馬等種種悉同彼形

而肆其惡大乘密嚴經 尹喜故宅在寶雞縣虎豹能巖常

出伺人有獨角獸搏虎而食之食輒餘其半山家每

得殘虎以飽陳貞父寶雞錄 狻猊似猿狖而長尾尾色紅去來

林間如飛能食猿狖猿狖每出采山核狻猊至莫不俯

首帖服狻猊擇其肥者噉之寶雞錄 蝸斗獸其大如犬狀

亦類之能食火而糞火原化記 貊澤大如犬其膏宣利

以手及銅鐵瓦器承之悉透以骨盛乃不漏 徼外

勃樊州有狷狷獸似獺而無毛唯從鼻上竟脊至尾

有青毛廣一寸長三四分大者重十斤獵者得之斫

刺不傷薪焚不死以大杖擊其骨碎之乃斃酉陽雜俎

唐長慶二年有自吐蕃至者稱隴上自去歲以來出

異獸如猴而腰尾皆長其色青力猛而迅見蕃人即

捕而食之遇漢人則否集異記 獬豸者一角之羊性識

有罪者以角觸之論衡 唐開元二十年有一角神羊產

于京兆之富平縣肉角當頂白毛上捧即獬豸也唐書

雲南貴州深山中產一種獸形類獼猴而白毛巢於

高樹之上其子孫以次巢下枝老者鮮出唯居下者

出覓果物傳致其上老者已食眾乃敢食名曰宗彝

尚書傳所謂虎雌也許浩復齋日記雲南有神鹿生而兩頭

能食毒草後漢書雲南郡出茶首其音蔡茂是兩頭鹿

也其腹中胎可治蛇虺毒彼人常以四月中取之博物志

交州以南有果然獸其名自呼身如猿而色青白

體不過三尺而尾長四尺餘其毛柔細滑澤集十餘

皮可得一褥麗好温厚南方異物志裸然群行老者在

少者在後得果實輒與老者山海經注劔南人采獬豸者

得一獬豸則自傷其顙聚族悲啼雖殺之不去國史補

晉升平中有人入山射鹿誤墮一坎乃熊穴也內有

熊子數頭須臾熊母至瞪視此人良久出藏果分其

子末作一分著此人前既轉相狎每日覓果還輒予

之後熊子既大其母一一負出已又入坐人邊人解

熊意便抱熊足得出續搜神記

漢樂浪郡有果下馬高二尺日南郡出果下牛亦高

三尺述異記西夏有竹牛重數百斤角甚長而黃黑相

間用以製弓尤健勁康譽之昨夢錄遼東有駝鹿重二百觔

異物
彼人能效其聲致而取之癸辛 禱識涼州大狗如驢異物志

商紂時大龜生毛兔生角漢文帝十二年吳地有馬

生兩角角三寸文帝後元年中齊雍城門有狗生角

成帝綏和二年大廐馬生角搜神記周成王時東夷送

六角牛漢中山有虎生角酉陽雜俎晉太康七年四角獸

見于河間集異志秦孝文王時胸衍獻五足牛漢哀帝

時定襄有牡馬生駒而三足桓帝延熹五年臨沅縣

有牛生雞兩頭四足晉武帝太原六年南陽檻得兩

足虎惠帝大安初江夏功曹張聘所乘牛作人言云

天下方亂甚極永嘉五年嘉興張林家狗忽人言云

天下人俱饑死搜神記



